



Broj: 01-50-1-15-39/04.
Sarajevo, 25. juna 2004.

ZAPISNIK

39. sjednice Predstavničkog doma Parlamentarne skupštine Bosne i Hercegovine

Sjednica je održana 18. i 25. juna 2004. godine.

Sjednica je, 18. juna, počela u 9,10 sati. Prisustvovalo je 39 poslanika. Opravdano su odsustvovali Sead Avdić, Zlatko Lagumdžija i Mirko Blagojević.

Iz Vijeća ministara prisustvovali su predsjedavajući Adnan Terzić, ministri Ljerka Marić i Dragan Doko, te zamjenik ministra odbrane Marina Pendeš.

Zbog razmatranja izvještaja sjednici su prisustvovali predstavnici Tužilaštva BiH (Sanela Bekrić) i Službenog lista BiH (Mehmedalija Huremović).

Iz međunarodnih organizacija sjednicu su pratili Maja Ribar i Selma Rasavac – OHR, Kristjan Haupt - OSCE i Liam Coughlain – USAID.

Na početku sjednice predsjedavajući Doma, nakon što je dao kratke uvodne napomene, upoznao je Dom o tome da je sjednici prisutan gospodin Udo Janc, šef Misije UNHCR-a u Bosni i Hercegovini, i da će se obratiti Domu povodom Svjetskog dana izbjeglica .

Gospodin Udo Janc obratio se Domu pri čemu je prezentirao i priručnik za parlamentarce – Zaštita izbjeglica – Vodič za međunarodno izbjegličko pravo.

Poslije izlaganja predstavnika UNHCR-a, predsjedavajući Martin Raguž dao je kratku pauzu.

Nakon pauze, predsjedavajući je dao uvodne napomene povodom dopunjenog prijedloga dnevnog reda koji je usaglašen na Proširenom kolegiju.

Selim Bešliagić predložio je da se u dnevni red uvrsti Izvještaj Ureda za reviziju o reviziji Predsjedništva Bosne i Hercegovine za 2003. godinu.

Predsjedavajući Martin Raguž odgovorio je da je, pored Izvještaja o reviziji Predsjedništva BiH, Parlamentu stiglo još šest izvještaja o reviziji drugih institucija koji su upućeni nadležnoj komisiji, pa kada stigne izvještaj nadležne komisije, oni će biti uvršteni u dnevni red sjednice Doma.

Povodom prijedloga Selima Bešliagića, diskutirali su: Tihomir Gligorić, Seada Palavrić, Jozo Križanović, Nikola Špirić, Momčilo Novaković, Nikola Kragulj, Muhamed Moranjković, Vinko Zorić, Milorad Živković i Beriz Belkić.

U vezi s prijedlogom dnevnog reda, dodatne prijedloge dali su Jozo Križanović – da se 2. tačka pomjeri na 12. mjesto, Muhamed Moranjković – da se prijedlozi zakona o carinskoj tarifi pomjere na početak dnevnog reda i Beriz Belkić- da se Prijedlog zakona o izmjenama Zakona o prinudnom odgađanju izvršenja potraživanja na teret Budžeta BiH razmatra po članu 104. umjesto po članu 105. Poslovnika.

Poslije rasprave o prijedlogu dnevnog reda, predsjedavajući se prvo osvrnuo na prijedlog Jozo Križanovića da se 2. tačka – potvrđivanje imenovanja kandidata za generalske pozicije, razmatra kao 12. tačka. Zamolio je predlagачa da odustane od prijedloga, jer je tačka veoma važna i ne može se prolongirati. Kako predlagач od prijedloga nije odustao, predsjedavajući je na glasanje dao svoj prijedlog kao predsjedavajućeg, da ostane predloženi redoslijed dnevnog reda.

Prijedlog predsjedavajućeg usvojen je s 27 glasova za, 4 protiv i jednim uzdržanim.

U vezi s prijedlogom Selima Bešliagića, predsjedavajući Doma rekao je da on kao predsjedavajući Doma naspram tog prijedloga iznosi svoj prijedlog koji korenspondira s Poslovníkom, da se izvještaji o reviziji institucija BiH razmatraju nakon što nadležna komisija dostavi izvještaj o razmatranju izvještaja Ureda za reviziju. Potom je prijedlog Selima Bešliagića dao na glasanje. Za prijedlog glasalo je 17, protiv 19 poslanika. Prema tome, prijedlog Selima Bešliagića nije usvojen.

Muhamed Moranjkić odustao je od svog prijedloga.

Zatim je predsjedavajući dao na glasanje prijedlog koji je on iznio – da se izvještaji o reviziji razmatraju na prvoj sjednici Doma poslije razmatranja u nadležnoj komisiji.

Ovaj prijedlog usvojen je s 23 glasa za, 8 protiv i 3 uzdržana.

Dom je usvojio i prijedlog Milorada Živkovića – da se Izvještaj o reviziji Predsjedništva BiH razmatra na narednoj sjednici kao posebna tačka dnevnog reda. Za ovaj prijedlog glasalo je 19, protiv 7, uzdržala su se 2 poslanika.

Poslije izjašnjavanja o prijedlozima, predsjedavajući Doma konstatirao je da 39. sjednica ima sljedeći

DNEVNI RED

1. Poslanička pitanja i odgovori,
2. Potvrđivanje liste kandidata za generalske pozicije u institucijama odbrane BiH,
3. Zahtjev Vijeća ministara za razmatranje Prijedloga zakona o računovodstvu i reviziji Bosne i Hercegovine po hitnom postupku, u skladu s članom 105.,
4. Zahtjev Vijeća ministara za razmatranje Prijedloga zakona o izmjenama Zakona o privremenom odgađanju od izvršenja potraživanja na osnovu izvršnih odluka na teret Budžeta institucija Bosne i Hercegovine po hitnom postupku, u skladu s članom 104. Poslovníka,
5. Zahtjev Vijeća ministara za razmatranje Prijedloga zakona o dopunama Zakona o carinskoj tarifi Bosne i Hercegovine po hitnom postupku, u skladu s članom 105. Poslovníka (broj: 01,02-2-7-3/05. od 18.5.2004.),
6. Zahtjev Vijeća ministara za razmatranje Prijedloga zakona o dopunama Zakona o carinskoj tarifi BiH po hitnom postupku, u skladu s članom 105. Poslovníka (broj: 01,02-02-2-7/04. od 9.6.2004.),
7. Zahtjev Vijeća ministara za razmatranje Prijedloga zakona o dopunama Zakona o Sudu Bosne i Hercegovine po hitnom postupku, u skladu s članom 105. Poslovníka,
8. Zahtjev Vijeća ministara za razmatranje Prijedloga zakona o dopunama Zakona o Tužilaštvu Bosne i Hercegovine po hitnom postupku, u skladu s članom 105. Poslovníka,
9. Zahtjev poslanika Muhameda Moranjkića za razmatranje Prijedloga zakona o izmjeni Izbornog zakona Bosne i Hercegovine po hitnom postupku, u skladu s čl. 104. Poslovníka,
10. Prijedlog zakona o izmjenama Zakona o ombudsmenu za ljudska prava BiH (prvo čitanje),
11. Izvještaji Zajedničke komisije za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH i Komisije za ljudska prava, imigraciju, izbjeglice i azil povodom prijedloga zaključaka iznesenih u raspravi o listi kandidata za generalske pozicije u zajedničkim institucijama odbrane BiH,
12. Izvještaj o rezultatima rada Istražne komisije radi utvrđivanja okolnosti hapšenja Ante Jelavića, Miroslava Prce i Miroslava Rupčića sa aspekta poštivanja zakonom propisane procedure i eventualnog kršenja ljudskih prava i osnovnih sloboda,
13. Informacija o radu Tužilaštva Bosne i Hercegovine i primjeni zakona Bosne i Hercegovine u 2003. godini,
14. Izvještaj o finansijskom poslovanju Javnog preduzeća Službeni list BiH po godišnjem obračunu za period 2003. godine,
15. Davanje saglasnosti za ratifikaciju:
 - a. Sporazuma između Vijeća ministara Bosne i Hercegovine i Vijeća ministara Srbije i Crne Gore o uslovima putovanja državljana dviju država,
 - b. Ugovora o slobodnoj trgovini između BiH i Republike Albanije.

Ad – 1: Poslanička pitanja i odgovori

Predsjedavajući je konstatirao da su odgovore na pitanja dobili poslanici Ibrahim Đedović, Adem Huskić i Miloš Jovanović.

Komentara na odgovore nije bilo.

Novo poslaničko pitanje postavio je Milorad Živković, koje glasi:

«Da li je BiH uključena u razgovore oko projekta pravljenja naftovoda koji će povezivati Rusiju s lukom na hrvatskom primorju, a trebalo bi da prolazi, između ostalog, i kroz Srbiju i Crnu Goru (Pančevo) i Hrvatsku (Sisak)?»

Ad – 2: Potvrđivanje liste kandidata za generalske pozicije u institucijama odbrane BiH

U kratkim uvodnim napomenama predsjedavajući Doma Martin Raguž pročitao je imena predloženih kandidata brigadira Sifeta Podžića, brigadira Slavka Puljića i brigadira Vlade Džoića, te napomenuo da su poslanici dobili izvještaj nadležne komisije koja je podržala odluku Predsjedništva i predložila da i domovi Parlamentarne skupštine potvrde imenovanje predloženih kandidata.

Prvi se za riječ javio **Muhamed Moranjkić**. Između ostalog, rekao je da ima saznanja da su neki od predloženih kandidata već jednom bili na provjeri i da su navodno bili odbijeni, pa su sada ponovo predloženi.

Vinko Zorić je, između ostalog, rekao da ima saznanja da neki od predloženih kandidata neće dobiti podršku Doma, pa je stoga predložio da se glasanje izvrši pojedinačno o svakom kandidatu.

Nikola Špirić je u svojoj prvoj raspravi rekao , između ostalog, da ne treba robovati paket-rješenjima, pogotovo kad se biraju kandidati za vitalne državne službe i da treba birati najsposobnije ljude koji će uspješno provoditi reforme. Zatim je rekao da će podržati imenovanje Slavka Puljića i Vlade Džoića, ali da imenovanje Sifeta Podžića neće podržati zato što stanuje u stanu koji je vlasništvo pukovnika Jove Vukobrata koji je državljanin BiH i koji je od 1992. godine bio pripadnik Vojske Republike Srpske i penzionisan je u okviru Vojske RS-a. Rekao je da Jovo Vukobrat nije uspio vratiti svoj stan koji je 1992. godine i otkupio, te naglasio da ima dokumentaciju Jove Vukobrata.

Šefik Džaferović rekao je da će on podržati listu koju je Parlamentu dostavilo Predsjedništvo Bosne i Hercegovine, na kojoj su kandidati Sifet Podžić, Slavko Puljić i Vlado Džoić. Naglasio je da su svi kandidati bili na provjeri od strane SFOR-a i drugih odgovarajućih institucija. Zato ne želim da vjerujem raspravama koje danas imamo i one za mene nisu relevantne, tim prije što postoji odluka Doma za ljudska prava u kojoj stoji da je zahtjev Jove Vukobrata neprihvatljiv, rekao je, između ostalog, Šefik Džaferović u svojoj raspravi.

U okviru ove tačke dnevnog reda vođena je duga i polemična rasprava u kojoj su učestvovali: Vinko Zorić, Šefik Džaferović, Mladen Potočnik, Jozo Križanović, Tihomir Gligorić, Munib Jusufović, Nikola Špirić, Ivo Miro Jović, Milorad Živković, Seada Palavrić, Momčilo Novaković, Petar Kunić, Beriz Belkić, Adem Huskić, Izet Hadžić, Azra Hadžiahmetović i Nijaz Duraković.

Nakon ove rasprave, govorila je Marina Pendeš, zamjenica ministra odbrane.

Nakon izlaganja zamjenice ministra odbrane, predsjedavajući Martin Raguž konstatirao je da su u raspravi iznesena tri prijedloga:

- da se glasa pojedinačno o predloženim kandidatima,
- da se glasa o listi u cjelini i
- da se izjašnjavanje o listi kandidata odgodi zbog neprisustva predlagača.

Jozo Križanović pojasnio je da je prijedlog zaključka formulirao zato što je dotadašnja rasprava išla u smjeru traženja određenih pojašnjenja koja u tom trenutku poslanici nisu mogli

dobiti. Uz puno uvažavanje zamjenice ministra, njeno izlaganje ne može se smatrati obrazloženjem predlagača, rekao je, između ostalog, Jozo Križanović i zatražio da se Dom o njegovom prijedlogu zaključka izjasni.

Usljedila je pauza, a nakon pauze Dom je usvojio prijedlog Joze Križanovića, **da se zbog neprisustva predlagača odgodi izjašnjavanje o Odluci o utvrđivanju liste kandidata za generalske pozicije u zajedničkim institucijama odbrane Bosne i Hercegovine.**

Ad – 3: Zahtjev Vijeća ministara za razmatranje Prijedloga zakona o računovodstvu i reviziji Bosne i Hercegovine po hitnom postupku, u skladu s članom 105. Poslovnika

U okviru ove tačke diskutirali su Beriz Belkić, Nikola Špirić, Mirsad Ćeman, Ruža Sopta, Momčilo Novaković, Jozo Križanović, Petar Kunić i Vinko Zorić. U ime predlagača govorila je ministar Ljerka Marić.

S 31 glasom za, 4 protiv i 1 uzdržanim, Dom je usvojio zahtjev Vijeća ministara za hitni postupak, po članu 105.

Zakon o računovodstvu i reviziji Bosne i Hercegovine usvojen je s 35 glasova za 2 protiv.

Ad – 4: Zahtjev Vijeća ministara za razmatranje Prijedloga zakona o izmjenama Zakona o privremenom odgađanju od izvršenja potraživanja na osnovu izvršnih odluka na teret Budžeta institucija Bosne i Hercegovine po hitnom postupku, u skladu s članom 104. Poslovnika

Bez diskusije Dom je usvojio zahtjev Vijeća ministara da se Prijedlog zakona o izmjenama Zakona o privremenom odgađanju od izvršenja potraživanja na osnovu izvršnih odluka na teret Budžeta institucija Bosne i Hercegovine razmatra po hitnom postupku, u skladu s članom 104. Poslovnika.

Ad – 5: Zahtjev Vijeća ministara za razmatranje Prijedloga zakona o dopunama Zakona o carinskoj tarifi Bosne i Hercegovine po hitnom postupku, u skladu s članom 105. Poslovnika (broj: 01,02-2-7-3/05. od 18.5.2004.)

Prije usvajanja zahtjeva za hitni postupak diskutirali su Jozo Križanović i Mirsad Ćeman.

Zahtjev Vijeća ministara usvojen je s 29 glasova za , 2 protiv i 6 uzdržanih.

U raspravi o Prijedlogu zakona učestvovali su: Ruža Sopta, Jozo Križanović, Beriz Belkić, Munib Jusufović, Azra Hadžiahmetović, Seada Palavrić, Adem Huskić i Nikola Špirić. Na pitanja iz rasprave, u ime predlagača, odgovarao je ministar Dragan Doko.

Poslije rasprave, Dom je usvojio Zakon o dopunama Zakona o carinskoj tarifi Bosne i Hercegovine. Za Zakon glasala su 23 poslanika, 10 je glasalo protiv, a 3 su bila uzdržana.

Ad – 6: Zahtjev Vijeća ministara za razmatranje Prijedloga zakona o dopunama Zakona o carinskoj tarifi BiH po hitnom postupku, u skladu s članom 105. Poslovnika (broj: 01,02-02-2-7/04. od 9.6.2004.),

O zahtjevu za hitni postupak nije bilo rasprave, pa je usvojen s 28 glasova za, 7 protiv i 1 uzdržanim.

U raspravi o Prijedlogu zakona učestvovali su: Muhamed Moranjkić, Vinko Zorić, Selim Bešlagić, Seada Palavrić i Petar Kunić.

Nakon rasprave, Dom je, s 26 glasova za, 7 protiv i 4 uzdržana, usvojio Zakon o dopunama Zakona o carinskoj tarifi.

Ad - 7. i 8.

Bez diskusije i jednoglasno Dom je usvojio zahtjeve Vijeća ministara za hitni postupak, po članu 105. Poslovnika Doma, a zatim su jednoglasno usvojeni:

- Zakon o dopunama Zakona o Sudu Bosne i Hercegovine i
- Zakon o Tužilaštvu Bosne i Hercegovine.

Ad – 9: Zahtjev poslanika Muhameda Moranjkića za razmatranje Prijedloga zakona o izmjeni Izbornog zakona Bosne i Hercegovine po hitnom postupku, u skladu s članom 104. Poslovnika

U okviru ove tačke diskutirali su: Miloš Jovanović, Vinko Zorić, Petar Kunić i Muhamed Altić. U svojstvu predlagача govorio je Muhamed Moranjkić.

S 29 glasova za, 3 protiv i 1 uzdržanim, usvojen je zahtjev poslanika Muhameda Moranjkića za razmatranje Prijedloga zakona o izmjeni Izbornog zakona Bosne i Hercegovine po članu 104. Poslovnika Doma.

Ad – 10: Prijedlog zakona o izmjenama Zakona o ombudsmenu za ljudska prava BiH (prvo čitanje)

Predsjedavajući Doma Martin Raguž u uvodnim napomenama podsjetio je poslanike na izvještaj nadležne komisije, naglasivši da je Komisija konstatirala da nije bilo amandmana na Prijedlog zakona i da je Prijedlog zakona usvojila u predloženom tekstu.

U okviru ove tačke nije bilo rasprave.

Dom je i u prvom i u drugom čitanju usvojio Zakon o izmjenama Zakona o ombudsmenu za ljudska prava Bosne i Hercegovine.

Prilikom glasanja u prvom čitanju jedan poslanik bio je uzdržan, a u drugom čitanju Zakon je usvojen jednoglasno – s 33 glasa.

Ovim je završen prvi dio 39. sjednice. Zaključujući prvi dio sjednice, predsjedavajući je upoznao poslanike o tome da će se nastavak sjednice održati 25. juna.

Drugi dio 39. sjednice održan je 25. juna 2004. godine. Prisustvovalo je 35 poslanika. Odsustvo su opravdali: Mirko Blagojević, Muhamed Altić, Azra Hadžiahmetović, Elmir Jahić, Ivo Lozančić, Ibrahim Đedović i Mladen Potočnik.

Iz Vijeća ministara prisustvovali su ministri Nikola Radovanović i Mirsad Kebo, a iz međunarodnih organizacija Maja Ribar – OHR, Kristijan Haupt – OSCE, Jelena Despot – EUPM i Al Biridgwood – britanska ambasada.

Sjednici su prisustvovali predstavnici Tužilaštva – Marinko Jurčević i Službenog lista – Mehmedalija Huremović.

Na početku nastavka sjednice predsjedavajući je konstatirao da je za nastavak sjednice ostalo šest nerealiziranih tačaka dnevnog reda, a to su:

1. Potvrđivanje liste kandidata za generalske pozicije u institucijama odbrane BiH,
2. Izvještaji Zajedničke komisije za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH i Komisije za ljudska prava, imigraciju, izbjeglice i azil povodom prijedloga zaključaka iznesenih u raspravi o listi kandidata za generalske pozicije u zajedničkim institucijama odbrane BiH,
3. Izvještaj o rezultatima rada Istražne komisije radi utvrđivanja okolnosti hapšenja Ante Jelavića, Miroslava Prce i Miroslava Rupčića sa aspekta poštivanja zakonom propisane procedure i eventualnog kršenja ljudskih prava i osnovnih sloboda,
4. Informacija o radu Tužilaštva Bosne i Hercegovine i primjeni zakona Bosne i Hercegovine u 2003. godini,
5. Izvještaj o finansijskom poslovanju Javnog preduzeća Službeni list BiH po godišnjem obračunu za period 2003.,
6. Davanje saglasnosti za ratifikaciju:
 - a) Sporazuma između Vijeća ministara Bosne i Hercegovine i Vijeća ministara Srbije i Crne Gore o uslovima putovanja državljana dviju država,
 - b) Ugovora o slobodnoj trgovini između BiH i Republike Albanije.

Zatim je predsjedavajući obavijestio poslanike o tome da je na sjednici dogovoreno da se u tačku 1. nastavka sjednice uvrsti i potvrđivanje kandidata za entiteske vojske, o čemu je prijedlog u međuvremenu dostavljen. Obavijestio je poslanike također da je na sjednici Proširenog kolegija Doma odlučeno da se poslije 39. održi 40. sjednica na kojoj će se odlučiti o zahtjevima Vijeća ministara za proceduru po članu

104. Poslovnika za jedan broj zakonskih prijedloga koji su u međuvremenu dostavljeni, kako bi nadležne komisije mogle razmatrati prijedloge zakona u komisijskoj fazi.

Ad – 1: nastavka sjednice: Potvrđivanje liste kandidata za generalske pozicije u institucijama odbrane BiH

Poslije uvodnih napomena predsjedavajući je konstatirao da je na prethodnom dijelu sjednice završena rasprava o listi kandidata za generalske pozicije, kada je izjašnjavanje odgođeno zbog neprisustva predlagača. Također je konstatirao da sada sjednici prisustvuje ministar odbrane koji je od Predsjedništva ovlašten da obrazloži i zastupa prijedloge Predsjedništva. Zatim je dao riječ ministru odbrane.

Ministar Nikola Radovanović obrazložio je prijedlog Predsjedništva za imenovanje kandidata za generalske pozicije u zajedničkim institucijama odbrane BiH, kao i za pozicije u vojskama Federacije BiH i Republike Srpske.

U vezi sa spornim pitanjem vezanim za brigadira Sifeta Podžića, ministar Radovanović upoznao je Dom da je ovo pitanje bilo predmetom rasprave u Ministarstvu odbrane i na 50. sjednici Predsjedništva BiH, održanoj 23. juna tekuće godine. Zatim je upoznao Dom o tome da je Ministarstvo odbrane prikupilo raspoloživu dokumentaciju od Sifeta Podžića i od nadležnih institucija Federacije BiH, kao i važeću dokumentaciju i izjave Jove Vukobrata, te da je, na osnovu raspoloživih dokumenata, pripremljena informacija koja će biti danas upućena na razmatranje Zajedničkom odboru za odbranu i sigurnost. Zaključak Ministarstva odbrane jeste da je Sifet Podžić ušao u posjed, odnosno stekao stanarsko pravo na osnovu odluka nadležnih institucija Federacije BiH i da je, u skladu s odredbama pozitivnih zakona Federacije, izvršio otkup stana, te da on lično nije prekršio odredbe zakona. Naša preporuka je da Parlament potvrdi kandidaturu Sifeta Podžića, s obzirom da se ne radi o ličnom postupku koji bi bio u suprotnosti s odredbama važećih zakona, rekao je, pored ostalog, ministar Radovanović. Također je ministar odbrane iznio mišljenje da se o svim kandidatima treba glasati pojedinačno s obzirom da se radi o različitim dužnostima.

Nakon izlaganja ministra Radovanovića, uslijedila je rasprava u kojoj su učestvovali: Selim Bešlić, Beriz Belkić, Momčilo Novaković, Seada Palavrić, Nikola Špirić, Munib Jusufović, Tihomir Gligorić, Ljiljana Milićević, Zlatko Lagumdžija, Vinko Zorić, Milorad Živković i Martin Raguž.

Nakon rasprave, predsjedavajući je dao pauzu koju je tražio Klub SDS-a.

Nakon pauze, predsjedavajući Kluba SDS-a Momčilo Novaković iznio je prijedlog zaključaka, u tri tačke, rekavši da od odnosa Doma prema ovim zaključcima zavisi odnos Kluba prema predloženim kandidatima. Ovakvim stavom Klub SDS-a rukovodio se, prije svega, potrebom da se do 28. juna ispune uslovi vezani za Samit u Istanbulu i da se ne dovede u pitanje dobra volja koja je pokazana kroz podršku reformama u dosadašnjem procesu, rekao je, između ostalog, Momčilo Novaković.

Dalje su diskutirali Nikola Špirić, Zlatko Lagumdžija, Beriz Belkić i Šefik Džaferović, a poslije ovih diskusija predsjedavajući je konstatirao da od sada imamo četiri prijedloga zaključaka, od kojih je jedan podnio Zlatko Lagumdžija, a tri Momčilo Novaković, te da će se Dom pojedinačno izjasniti o svakom prijedlogu.

Predsjedavajući je prvo na glasanje dao prijedlog zaključka Zlatka Lagumdžije – **da se zaduži Zajednička komisija za kontrolu nad radom odbrambenih i sigurnosnih struktura, da u roku od tri mjeseca dostavi cjelovit izvještaj o stanju u oblasti odbrambenih struktura, sa osvrtom na sve bitne aspekte.**

Prijedlog ovog zaključka usvojen je s 26 glasova za, a 2 poslanika bila su uzdržana.

Zatim se Dom izjasnio o prijedlozima zaključaka u 3 tačke, koje je podnio Momčilo Novaković u ime Kluba SDS-a, uz korekciju zaključka pod tač. 1. na intervenciju Beriza Belkića i Šefika Džaferovića.

Zaključak pod br. 1. usvojen je s 21 glasom za, 4 protiv i 9 uzdržanih.

Zaključak pod br. 2. usvojen je s 29 glasova za, 3 protiv i 3 uzdržana.

Zaključak pod br. 3. usvojen je također s 29 glasova za, 3 protiv i 3 uzdržana.

Prema tome, prije izjašnjavanja o kandidatima, Dom je usvojio zaključke sljedećeg sadržaja:

1. Dom zadužuje Zajedničku komisiju za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH da, u roku od tri mjeseca, dostavi cjelovit izvještaj o stanju u odbrambenim i sigurnosnim strukturama u BiH, sa osvrtom na sve bitne aspekte.

2. Dom zahtijeva da sva vojna i druga lica, nakon okončanja postupka na Ustavnom sudu Bosne i Hercegovine, bezuslovno postupe po odluci Suda.

3. Devedeset dana nakon odluke Ustavnog suda Zajednička komisija za odbrambenu i sigurnosnu politiku i nadzor nad radom odbrambenih i sigurnosnih struktura BiH o realizaciji Odluke Suda informirat će Predstavnički dom.

4. Predstavnički dom zadužuje Zajedničku komisiju za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH da, u kontaktima s entitetskim ministarstvima odbrane, rade na rješavanju pitanja spornih vojnih stanova.

Nakon usvajanja zaključaka predsjedavajući je pojedinačno dao na glasanje potvrđivanje kandidata za generalske pozicije, prema prijedlogu Predsjedništva BiH.

Potvrđeni su kandidati za generalske pozicije, kako slijedi:

I. U institucijama odbrane BiH:

1. brigadir **Sifet Podžić** – na dužnost načelnika Zajedničkog štaba BiH (za glasalo 29, protiv 4, uzdržana 2),
2. brigadir **Slavko Puljić** – na dužnost zamjenika načelnika Zajedničkog štaba BiH za operacije (za 29, uzdržano 6) i
3. brigadi **Vlado Džoić** – na dužnost komandanta Operativne komande BiH (za 29, protiv 1, uzdržano 5)

II. Za Vojsku Federacije BiH predloženi su:

1. brigadir **Hajrudin Grabovica** – na dužnost komandanta Zajedničke komande Vojske Federacije BiH (za 28, uzdržano 7),
2. pukovnik **Jugoslav Brdar** – na dužnost zamjenika komandanta Zajedničke komande Vojske Federacije BiH (za 28, uzdržano 7),
3. brigadir **Mirsad Gutić** – na dužnost komandanta 1. oklopno-mehanizovane brigade Vojske Federacije BiH (za 28, uzdržano 7) i
4. pukovnik **Anto Jeleč** – na dužnost komandanta 2. mehanizovane brigade Vojske Federacije BiH (za 28, uzdržano 7).

III. Za Vojsku Republike Srpske predloženi su:

1. general-major **Novak Đukić** – na dužnost načelnika Generalštaba Vojske Republike Srpske (za 26, protiv 2, uzdržano 7) i
2. general-major **Stamenko Novaković** – na dužnost komandanta 15. mehanizovane brigade Republike Srpske (za 28, uzdržano 7 poslanika).

Ad – 2: nastavka: Izvještaji Zajedničke komisije za odbrambenu i sigurnosnu politiku i nadzor nad radom odbrambenih i sigurnosnih struktura na nivou BiH i Komisije za ljudska prava, imigraciju, izbjeglice i azil povodom prijedloga zaključaka iznesenih u raspravi o listi kandidata za generalske pozicije u zajedničkim institucijama odbrane BiH

U okviru ove tačke kraće su raspravljali Selim Bešliagić, Milorad Živković, Jozo Križanović, Seada Palavrić i Tihomir Gligorić.

Seada Palavrić kazala je, pored ostalog, da su prijedlozi zaključaka Komisije za ljudska prava sublimirani u zaključcima Zajedničke komisije za odbrambenu i sigurnosnu politiku i da treba glasati samo o zaključcima ove komisije.

Prijedlog Seade Palavrić podržao je i Tihomir Gligorić.

Nakon diskusije, predsjedavajući je predložio da se Dom izjasni odjednom o svim zaključcima Zajedničke komisije, u koje su sublimirani i prijedlozi zaključaka Komisije za ljudska prava.

S 30. glasova za i 2 uzdržana usvojeni su sljedeći

ZAKLJUČCI

1. Daje se podrška svim nastojanjima koja vode «Partnerstvu za mir» na Samitu u Istanbulu i traži se od svih institucija u Bosni i Hercegovini da izvrše svoje obaveze i na taj način omoguće ispunjenje tog cilja.
2. Komisija smatra da se procesi provjere za imenovanja u Oružane snage BiH moraju voditi u skladu s relevantnim međunarodnim i domaćim pravnim aktima (Evropskom konvencijom o zaštiti ljudskih prava i osnovnih sloboda, Pravilima Rimskog puta, Ustavom BiH i zakonima ove zemlje).
3. Komisija konstatira da proces provjere generala nije bio transparentan, a dijelovi tog procesa vođeni su tako da se nije vodilo računa o principima o poštivanju ljudskih prava i osnovnih sloboda.
4. Komisija smatra da se zakonom stečena prava iz radnog odnosa kao i prava koja se odnose na socijalni status ne mogu uskraćivati u procesu provjere.
5. U želji da se osigura saradnja između institucija BiH, smatramo da je neophodno prisustvo predlagača ili njegovog zastupnika na sjednicama oba doma Parlamentarne skupštine BiH radi što kvalitetnijeg obrazloženja ponuđenih rješenja, uključujući i Predsjedništvo BiH.
6. Pored upućivanja ovog izvještaja Predstavničkom domu, na što je obavezana njegovim zaključkom, Zajednička komisija upućuje Izvještaj i Domu naroda Parlamentarne skupštine BiH vodeći računa o značaju zaključaka.

Ad – 3: Izvještaj o rezultatima rada Istražne komisije radi utvrđivanja okolnosti hapšenja Ante Jelavića, Miroslava Prce i Miroslava Rupčića sa aspekta poštivanja zakonom propisane procedure i eventualnog kršenja ljudskih prava i osnovnih sloboda

Filip Andrić obrazložio je Izvještaj Istražne komisije.

U raspravi su učestvovali: Momčilo Novaković, Hazim Felić, Zlatko Lagumdžija, Jozo Križanović, Nikola Špirić, Seada Palavrić, Šefik Džaferović, Martin Raguž, Miloš Jovanović, Petar Kunić, Ivo Miro Jović, Selim Bešliagić, Vinko Zorić i Filip Andrić.

Poslije rasprave, predsjedavajući je konstatirao da su u diskusiji Jozo Križanović, Vinko Zorić i Nikola Špirić predložili zaključke sličnog sadržaja, koje je podržala i Istražna komisija. Zatim je te prijedloge sublimirao u zaključak sljedećeg sadržaja:

Izvještaj Istražne komisije upućuje se Ministarstvu pravde i Minsitarstvu sigurnosti Bosne i Hercegovine, koja se zadužuju da, na tragu rasprave koja je o Izvještaju vođena na sjednici Doma, od nadležnih institucija zatraže ocjenu pitanja odnosa pojedinih dijelova vlasti, te da nakon toga Domu dostave ocjenu prikupljenih podataka, o čemu će Dom raspravljati i konačno se odrediti prema Izvještaju Istražne komisije.

Sa 25 glasova za i 3 uzdržana Dom je usvojio ovaj zaključak.

U raspravi u okviru ove tačke Seada Palavrić predložila je da Dom zaključkom obaveže Ministarstvo finansija i trezora da, u skladu sa zakonom, višak sredstava Regulatorne agencije za komunikacije (CRA) prenese na raspolaganje SIPA-e kako bi joj se omogućilo efikasnije obavljanje funkcije.

U vezi s ovim prijedlogom predsjedavajući je konstatirao da je intencija pozitivna budući da se radi o stvaranju povoljnijih uslova za rad SIPA-e, pa je predložio da se prijedlog zaključka kao inicijativa uputi Komisiji za finansije i budžet da ga razmotri i Dom obavijesti o svome stavu.

Prijedlog predsjedavajućeg je prihvaćen.

Ad – 4. Informacija o radu Tužilaštva Bosne i Hercegovine i primjeni zakona Bosne i Hercegovine u 2003. godini

Povodom Informacije o radu Tužilaštva diskutirali su Beriz Belkić, Mirsad Ćeman, Jozo Križanović, Munib Jusufović, Ivo Miro Jović, Šefik Džaferović i Momčilo Novaković.

Na pitanja iz rasprave odgovorio je predstavnik Tužilaštva Marinko Jurčević.

Nakon rasprave predsjedavajući je konstatirao da, prema Poslovniku, Dom Informaciju prima k znanju, a da svakako treba afirmirati ulogu Parlamenta u stvaranju uslova za kvalitetniji rad Tužilaštva. Dom je informaciju primio k znanju.

Ad – 5: Izvještaj o finansijskom poslovanju Javnog preduzeća Službeni list BiH po godišnjem obračunu za period 2003. godine

U vezi s ovim izvještajem vođena je duža rasprava u kojoj su učestvovali: Fatima Leho, Mirsad Ćeman, Miloš Jovanović, Vinko Zorić, Momčilo Novaković, Ivo Miro Jović, Selim Bešliagić, Ljiljana Milićević, Filip Andrić, Adem Huskić, Jelina Đurković, Seada Palavrić, Munib Jusufović, Nikola Špirić, Beriz Belkić i Martin Raguž. U ime Službenog lista govorio je direktor Mehmedalija Huremović.

Nakon toga, predsjedavajući je konstatirao da je u raspravi postavljeno mnogo dilema i pitanja, između ostalog, i u vezi sa statusom Službenog lista, te da je i direktor Huremović rekao da status ove ustanove nije konačno definiran. Predložio je zato da Dom usvoji **zaključak kojim Komisiju za finansije i budžet zadužuje da sublimira prijedloge iz diskusije vezano za usmjeravanje dobiti Službenog lista i ostalo, te da predloži određene zaključke i dostavi ih Vijeću ministara.**

Prvo je predsjedavajući na glasanje dao Izvještaj.

Za Izvještaj je glasalo 16, protiv 6, uzdržala su se 2 poslanika.

Predsjedavajući je konstatirao da nije bilo entitetske većine, pa je odmah provedeno usaglašavanje u Komisiji Kolegija. Kako je u Kolegiju postignuta saglasnost, predsjedavajući je konstatirao da je Izvještaj o finansijskom poslovanju JP Službeni list za 2003.godinu usvojen.

Zatim je Dom, s 23 glasa za, jednim protiv i jednim uzdržanim, usvojio zaključak koji je predložio predsjedavajući Doma.

Ad – 6: Davanje saglasnosti za ratifikaciju:

- a) Sporazuma između Vijeća ministara Bosne i Hercegovine i Vijeća ministara Srbije i Crne Gore o uslovima putovanja državljana dviju država,
- b) Ugovora o slobodnoj trgovini između BiH i Republike Albanije.

Kratko je diskutirao Selim Bešliagić.

Dom je s 23 glasa za, jednim protiv i jednim uzdržanim dao saglasnost za ratifikaciju akata pod tačkom a) i b).

Ovim je, u 18,00 sati, završena 39. sjednica Predstavničkog doma.

Sastavni dio Zapisnika je transkript 39. sjednice.

SEKRETAR
PREDSTAVNIČKOG DOMA
Branka Todorović

PREDSJEDAVALAJUĆI
PREDSTAVNIČKOG DOMA
Martin Raguž